

古文尚書條辨

十一卷穀梁亦然非多二十餘通耶歆之意實不過如此夫左氏之多于公穀距止二十餘通而已二十餘通云者不過就卷數差岐之大校約舉贏餘非求精核以此推之尚書其簡括數目亦猶是耳蓋逸禮篇目易稽也惟書與左氏難以遽數難遽數者欲驟數之故只得計其粗率譬如握算家固有密率然其粗率亦可言也今必執十六之說而指古文為偏則亦將援二十餘通之說而疑左傳非其不大謬耶或

曰歆既移書博士欲立古文所宜詳悉而臚列之而  
乃如此率略何也曰諸博士不肯置對當時所爭不  
在篇數也歆正病衆經師苟安寡陋嫉異黨同顧先  
以篇帙張皇徒增其畏憚耶或曰太史公既特載古  
文顛末而不明言篇數何也曰彼時行文有未暇觀  
縷者欲單詞確斷則不能了然故寧缺而不言也不  
言何害於古文此亦如班固古文禮記論語孝經數千篇之云假令強而斷  
之則必如劉歆之失實矣然則學者欲考書篇盍先

觀百篇書序平書序與詩序不同有各篇各序者有  
數篇共序者百篇凡六十七序孔疏謂六十三序蓋除咎單咸有一德立  
政無逸四篇不安國所獻之五十八篇其序四十有  
叙所由故不數六乃引序冠其篇首即以四十六序為四十六卷故  
漢書藝文志曰尚書古文經四十六卷又曰經二十  
九卷二十九者伏生之所傳四十六者安國之所上  
也二十九卷亦稱二十九篇則既卷可稱篇篇可稱  
卷矣乃二十九中有分篇實不止二十九四十六中

有分篇亦不止四十六同序同卷則孰合異序異卷  
又孰分孰為古卷之所增孰為今卷之所缺此豈片  
言所能畢耶今而後知太史公不言篇數非草草者  
也或曰班固馬融亦言十六篇何也曰班固馬融皆  
聞所聞於劉歆者也固惟于藝文志偶襲劉歆之說  
而至于儒林傳則謹遵司馬所書而莫之能改益可  
知十六篇云云原非的據若馬融逸十六篇絕無師  
說此馬融書傳序之  
言見堯典孔疏云者尤顯然為傳疑之語不但

無十六篇者在融乎中亦并無十六篇者經融眼中  
假若在融乎中則融必注之者抑經融眼中則融目  
擊全豹不必斤斤於秦誓而疑之矣夫融之疑秦誓  
也既案其文而嗤其淺露且斥其神怪以為在子不  
語中見書首卷孔疏及秦誓篇內然猶從而注之而  
此十六篇者既無所嫌而反不肯註雖至愚者亦知  
其必不然矣惟其所註漆書之本不出伏勝之篇而  
所謂孔壁增多者此指二自光武中興久已裁汰王  
十五篇

莽立學故也詳在後

雖草茅好學之士不無私傳之而私習之

者而東觀蘭臺太常博士則泯然無存焉是以馬季

長總莫由見也

十六篇本無其書二十五篇經裁汰後融亦不得見

今閻氏乃

曰賈逵作訓馬融鄭康成之傳註解皆是物也夫所

謂是物者何物也二十九篇耶十六篇耶如止二十

九篇也即非安國之本如謂十六篇也則融明言絕

無師說矣而顧以衛賈馬鄭之有師說者混冒之且

武斷之曰皆是物也愈影附而愈相矛盾吁若璩之

憤憤如此奈何妄詆聖經哉

若據原文論衡正說篇云孝景時魯恭土壤孔子教授堂以為殿得百篇尚書於墻壁中武帝使使者取視莫能讀者成帝時張霸偽造百兩之篇帝出秘百篇以校之云帝使使者取視不云妄國獻之此何據也

**辨正**論衡因百篇書序遂有秘百篇之說原屬傳訛然亦足見漢人言漢事固已自相差歧是仲任之正



說與子駿之移書均不無憑臆失真之處而閻氏乃  
曰見於西漢者如此見於東漢者又如此噫亦誣甚  
矣至所云武帝使使者取視則未可厚非考後漢書  
獻紀注引漢官儀武帝時安國為侍中以儒者特掌御  
座朝廷榮之安見不於此時從容奏對動漢王之旁  
求因取視而後進獻乎而究之此等事不關古文典  
要無須深辨也

**餘論**前漢書房鳳傳云歌白左氏春秋可立哀帝

納之以問諸儒皆不對歌於是數見丞相孔光為  
言左氏以求助光卒不肯遂移書貴讓博士後漢  
書賈逵傳云逵奏帝曰建平中侍中劉歆欲立左  
氏不先暴論大義而輕移太常恃其義長詆挫諸  
儒諸儒內懷不服相與排之孝哀皇帝重逆衆心  
故出歆為河內太守從是攻擊左氏遂為重讎以  
是觀之歆此舉專為左氏張本意不在尚書是以  
言之草率其云左氏多者二十餘通蓋務為減約

詞旨顯然且當時盛氣疾書未必能平心以僂數  
也片語之輕浮即貽誤後人若此

第二條

若璩嘗疑鄭康成卒於獻帝時距東晉元帝尚  
原文百餘年古文尚書十六篇之亡當即亡於此百  
年中

**辨正** 若璩此說毫無證據只是憑空武斷真妄誕之  
極矣夫康成所注只是二十九篇與為融正同載於  
隋書經籍志唐時猶存孔穎達陸德明皆見之豈得  
日亡於百年內耶志明言梁陳所講有孔鄭二家齊

則氏所謂亡于  
東晉者指古文  
述十卷而言  
何嘗謂其亡  
本也

代惟傳鄭文至隋孔鄭並行奈何妄謂其亡於東晉  
以前耶隋志又言馬注十一卷鄭注九卷王肅注十  
一卷蓋三家篇數皆同並不出伏生二十九篇之外  
安有所謂十六篇耶若璩欲捕風捉影而實無此書  
則其說終于必敗故妄造為百年中當亡之說嗟乎  
如此虛談謂足以遙斷古事意欲欺人徒見其自欺  
之甚矣

若璩讀隋書經籍志晉世秘府所存有古文尚  
原文

書經文今無有傳者及永嘉之亂歐陽大小夏侯尚書並亡濟南伏生之傳惟劉向父子所著五行傳是其本法而又多乖戾至東晉豫章內史梅賾始得安國之傳奏之予然後知古文尚書自鄭康成注後傳習者已希而往往秘府有其文亦猶西漢時安國止傳其業於都尉朝司馬遷數人而中秘之古文固具在也

**辨正**若璩牽引隋志者欲以證鄭注傳習之稀也夫

既以隋志為可據而志中明言梁陳講孔鄭二家齊代惟傳鄭文至隋孔鄭並行等語乃一概棄而不者妄云傳習者稀豈不自相矛盾耶究之考證古文不宜倚伏隋志蓋成書在穎達之後也志所言歐陽大小夏侯並亡於晉永嘉時此與鄭注何涉今乃據三家被廢之時代作為鄭注亡佚之歲月豈不太附會耶夫歐陽等三家在西漢最盛而東漢則漸衰至馬鄭王有注而康成復崇衛賈馬二三君子之業而疾

明必曾世秘府  
所作有古之山  
藏書之書此可  
疑

歐陽等蔽冒失義疑惑未後自斯以後三家無人誦  
讀安得不日黜豈必待永嘉之亂而後亡乎隋志以  
三家減歸咎永嘉本屬臆想而若璩遂謂鄭注亦亡  
於此時亦真所謂蔽冒者矣至隋志謂晉世秘府有  
所存古文原無確據即果爾亦與孔鄭之流傳無涉  
而若璩乃援漢代中古文以證秘府之說又以安國  
傳業之寡證康成誦習之稀附葛攀藤抑何疑惑未  
後至此耶安國傳業司馬遷此語亦易悞人夫司馬



大學  
中庸  
孟子  
荀子  
韓非子  
史記  
漢書  
後漢書  
三國志  
晉書  
宋書  
南齊書  
梁書  
陳書  
魏書  
北齊書  
周書  
隋書  
南史  
北史  
舊唐書  
新唐書  
舊五代史  
新五代史  
宋史  
遼史  
金史  
元史  
明史

氏嘗從安國問故非恪守師傳者也猶之倪寬受業  
孔安國而寬所傳之歐陽生子乃世世相承而歐陽  
學豈必遵用壁經乎以史遷廣蒐博覽於安國之古  
文必曾盡取而披讀之矣故作史記多採古文之說  
所採處後人多誤指然不肯專於一家甚至有顯與  
另有條辨在下卷古文相悖者亦不妨互見焉以廣異聞如引克明馴  
德及以父義和為語重耳之類曾子所讀之克明俊  
德定係古書原文史記乃引馴德存別解也晉世家

叙重耳事特言周作晉文侯命且又引王若曰父義和至永其在位四十三字注引馬融從王順之說曰父能以義和我諸侯蓋必前漢別有此說為史遷所用故馬融遂從之耳世之學者因有問故於安國一事輒謂龍門所引乃真孔壁之古文則何以處史記中兩說並存者乎

若璩膏為之說曰古文尚書不甚顯於西漢而原文卒得立於學官者劉歆之力也雖不立於學官

而卒得大顯於東漢者賈逵之力也

**辨正**

劉歆移書博士時王莽之奸謀未起真忱好古義正詞嚴後之讀是書者豈其推服乃當日諸儒皆怨恨賢如龔勝至願乞骸骨正如師丹亦奏歆改亂舊章非毀先帝所立歆既忤執政又見訕衆儒懼誅求出厯三郡守病免復起為安定于是王莽得寵絡之矣初莽與歆俱為黃門郎素重歆又曾舉歆有林行權為侍中至是秉大權直留歆為右曹大中大夫

累官而至封侯歆由此變節蓋不待改名劉秀字穎叔始覺判然兩截入也故班固曰王莽篡位歆為國師後事皆在莽傳考其所為乃聖經中之亂臣賊子而若璩乃以為有功抑獨何哉後入只讀移博士一書與儒林傳之叙古文曰王莽時諸學皆立劉歆為國師王璩塗懌傳古皆貴顯云云情事相應遂謂孔氏古文得立學官矣孰知新室一敗光武中興凡歆莽之所造作一概擯絕范史云先是四方學士多懷

挾圖書遁逃林藪大非刑禁之嚴亦何必遁逃若是  
哉史又言建武二年立博士十四人各以家法教授  
後漢百官志曰易四書三歐陽大詩三禮春秋各二  
其曰各以家法則十四家之外一概刪除也審矣即  
有嗜古如杜林斷不敢抗違嚴令不得不割去滋多  
之新目以符伏氏之原編庶幾科斗舊文可保全而  
無累也林自言流離兵亂恐斯經將絕史亦載其漆  
書一卷常寶愛之雖遭艱困握持不離身夫曰一卷

則其勢非多日握持不離則艱困之際亦斷斷不敢  
多矣此所以止於二十九篇斷斷無疑也厥後鄭興  
衛宏除巡等並師其學而杜林之漆書遂行至章帝  
時選高才生受古文尚書雖擢高第終不立學官故  
賈逵雖悉傳父徽之業賈徽受古文尚書于逵而仍守大夏侯  
以為教授其所集之同異三卷均不出於二十九篇  
外也而若璩乃謂大顯於東漢豈非憤憤者乎

若璩當安國之初傳壁書也原未有大序與傳  
原文

馬融尚書序所謂逸十六篇絕無師說是

**辨正**安國書未成時原無暇作大序若謂既成書而兀然無序則若璩何從閱見而如此武斷乎至謂無序並無傳則真狂瞽妄斷而蔽冒未揆者矣史記載孔氏有古文尚書而安國以今文讀之因以起其家夫既無傳矣何以云起家也者一家之言起也者從此立論起說前所未有而今特創起也又索隱引安國兄孔臧云舊書潛於壁室歟爾復出古訓復申

夫無傳何以謂之申安國不作傳何以云復申耶說  
注索隱云起者謂起發今之妄攻古文者初謂安國  
以出也亦是有傳之意無獻書之事繼自知無理又改為安國不作傳之說  
劉歆曰傳問民間則有魯國柏公謂逸禮趙國貫公謂左  
氏膠東庸生謂古文尚書之遺學與此同抑而未施歆又  
曰此數家之言所以兼色大小之義夫膠東庸生安  
國之正傳也若僅有經文而無傳則何以列為數家  
之言又何以稱為遺學且所謂施者施行其說也若



本無傳說則何以曰未施哉班固曰遷書載堯典禹  
貢洪範微子金縢諸篇史記所採不多古文說大古  
止此數篇文有說非孔傳而何且曰多其說則採取豈此一條  
哉假令無傳文以供搜採則安國豈能一一耳提面  
命使馬遷登之史編乎此必不然之事矣班固藝文  
志云尚書古文經四十六卷杜林傳曰漆書古文一  
卷若謂安國只經文而無傳說則較之杜林倍徒數  
卷足矣而何以有四十六卷之多哉攻孔傳者理屈

以十六篇歸之  
指其孔中之  
此六何信之

詞窮於是援馬融十六篇絕無師說之一語以為據  
孰知馬融所云十六篇有錄無書即馬融亦未之信  
故韜達指為張霸之徒蓋張霸之外又有此一重魔  
障也余正因其無師說一語而確然知十六篇者與  
安國無涉何者安國書哀然四十六卷而弟子歷夫  
上傳都尉胡膠東庸生清河胡常賈徽而得  
號徐敷王璜與塗惲樂欽  
曰絕無師說也哉

若據原文及漢室中興衛宏著詞旨於前賈逵撰古

融者指一為融  
師以而新之  
融仍止于九為  
融氏本不有融  
亦何融其子融  
於融者二而一者  
也

文同異於後馬融作傳鄭氏作注而孔氏二家  
之學繁然矣

**辨正**若璩既執馬融無師說之語而茲忽有衛宏之  
訓旨與賈逵之同異然則馬融之前師說已多何其  
自相矛盾耶蓋若璩於此其蔽冒非止一端夫衛宏  
賈逵皆杜林之漆書與安國無涉而往往易為所囿  
者特以賈逵父賈徽嘗受業於塗惲耳而逵仍以大  
夏侯尚書教授載於漢史則父子豈必一轍耶荀崧傳曰

向歆漢之碩儒猶父子况逵父徽受劉歆左氏逵傳  
各執一家莫肯相從業乃以左氏為專攻雖亦兼聞壁書之緒言而其篇  
目則不過如杜林而已逵自言永平中上言左氏與  
圖讖合帝寫其傳詒藏之秘書肅宗時逵又言五經  
家皆無以圖讖證劉氏為堯後者而左傳獨有之故  
范史譏其附會文致得以貴顯蓋趨時之學也所撰  
歐陽大小夏侯古文同異集為三卷皆廿九篇以內  
也安有所謂十六篇耶若璩謂衛宏賈逵著撰即安

國之學其憤憤者一也又謂馬融康成所指之十六篇即衛賈之學其憤憤者二也至援無師說之十六篇乃孔壁之真古文此其病入於膏肓矣觀此段統四家以為一家近以合於杜林遠以蒙於安國其胸中全無分曉從何處與辨哉

若璩原文不意鄭氏之後寢以微滅雖博極羣書如王肅孫炎輩稽其撰著並無古文尚書豈其時已錮于秘府而不復流傳耶何未之及也

**辨正**此亦信口武斷之詞觀其後卷第一百六條與此大相矛盾則若璩之妄言無據概可知矣彼云馬鄭王三家本係真古文宋代已不傳幸猶見於陸氏釋文及孔疏愚故摘出之以俟後之君子或有李陽冰其人詩其手一書此三十一篇於石未必非崇正復古之一助云云夫既謂王肅與馬鄭同係真古文矣茲乃云肅輩撰著並無古文非所見之不真即昧良而妄斷究此自相悖之兩說無一是者也夫馬鄭

王之古文即杜林之古文祇二十九篇而止耳詎得  
曰真古文耶按三國志載王朗子肅善賈馬之學不  
好鄭氏采會同異為尚書解列于學官或得肅說多  
同孔氏殆私見孔傳而秘之盛疑孔傳為王肅所作  
皆聞聲而亂吠者而若璩此條之浮誕不經則尤為  
可笑者矣

若璩原文果秘府有其書猶得流傳於人間惟不幸  
而永嘉喪亂經籍道消凡歐陽大小夏侯學號

為經師遞相講授者已掃地無餘又何況秘府  
所藏區區簡冊耶故古文尚書之亡實亡於永  
嘉嗟乎嗟乎出於伏生之口者秦大不得而焚  
之出於孔氏之壁者晉亂遂得而滅之矣

**辨正**晉元帝初立欲簡省博士荀崧事之謂宜留鄭  
易鄭儀禮公穀春秋博士議者欲從崧請而元帝獨  
以穀梁膚淺罷之夫穀梁尚有時而見罷而况歐陽  
等三家蔽冒失文曾為馬鄭所深疾者乎是三家雖



漸廢棄而古文之在人間豈宜與之俱滅若璩所談  
真不根之甚者矣

隋志尚書大義二十卷梁武帝撰梁主言本有兩泰  
誓兼而存之古文  
伐紂今文據此則梁武之時三家具在也而若璩謂  
觀兵時事據此則梁武之時三家具在也而若璩謂  
亡於永嘉何其謬哉

若璩原文予又思秘府果存其書雖世有假託偽撰  
之徒出秘書以校之其偽可以立見成帝時徵  
天下能為古文學東萊張霸以所造百兩篇應

帝以秘書校之非是遂下張霸於吏若元帝時  
秘書猶有存者則梅賾所上之傳何難立窮其  
偽哉

**辨正** 秘書校張霸之事誰不知之若璩引此何益譬  
如聽訟官於兩造之虛實真偽既不能洞見底裏又  
不肯虛心研鞠以成信讞而徒紛紛然引舊行成案  
混人耳目遂欲徑定其爰書其可乎若璩之影響游  
談何以異於是

若璩原文惟秘府既已蕩而為烟化而為埃矣而凡傳記所引書語諸儒並引為逸書不可的知者此書皆采輯掇拾以為證驗

**辨正**

昧者徒聞劉石憑陵一語遂以為前晉書籍均當如孔聖遺履漢高斬蛇劍穿屋颺飛而不可復得也孰知聖籍與器物不同漢世中古文不但與膠東庸生都尉朝清河胡常外內相應即安國之子孫豈能無一經以垂世守假令天祿之閣忽遇栢梁之灾

嘉禾偽武成偽伊訓  
畢命偽古文月  
其古文月高古  
神志否則此  
豈以嘉禾偽書  
其古文月高古  
言正之哉

或竟無中文可校彼張霸樊並之流遂得以售其技  
哉而若璩乃謂秘府古文一失即得采掇輯拾以肆  
行其偽而莫之能覺也真不通之論矣即如王莽時  
偽書多矣偽嘉禾偽武成偽伊訓偽畢命偽古文月  
采篇其力能滅中文而獨行亦何處有中秘書為之  
照鏡哉

若璩其言率依於理非張霸偽書之比世無劉  
向劉歆賈逵馬融輩之鉅識安得不翕然信之

以為真孔壁復出哉

**辨正**邇來攻古文者實已不遺餘力乃攻之卒不能破則謂其率依於理而姑置之此邇詞不足與辨至所列劉向劉歆賈逵馬融以為鉅識則不過隨聲標榜欲飾智以驚愚耳今試進而核之四人中首數劉向抒忠漢室真可謂不負所學若謂其有功聖籍而特以鉅識推之則殊不然何也向以中古文證張霸之偽固屬大快人心然此事不待劉向而後能也史

言成帝即位更生乃進用更生劉上方精於詩書觀

古文詔向領校中五經秘書假令向於此時即清建

立孔壁古文則不必求助於孔光豈必移讓於太常

博士而成帝已改容聽納且不但帝之聽納而已即

丞相平當

輩豈不同聲相應焉此真千載一時

也何劉向乃竟不出此

劉歆前後兩截人尤不可同日語也

### 第三條

若據鄭康成注書序自為一篇唐世尚存孔穎  
原文達尚書疏備載之所云尚書亡逸篇數迴與孔  
傳不合孔則增多於伏生者二十五篇鄭則增  
多於伏生者十六篇二十五篇者即今所行之  
大禹謨五子之歌允征仲虺之誥湯誥伊訓太  
甲三篇咸有一德說命三篇泰誓三篇武成旅  
葵微子之命蔡仲之命周官君陳畢命君牙問

命是也十六篇者即永嘉時所亡失之舜典一  
汨作二九共九篇三大禹謨四益稷五五子之  
歌六允征七典寶八湯誥九咸有一德十伊訓  
十一肆命十二原命十三武成十四旅獒十五  
周命十六是也十六篇亦名二十四篇蓋九共  
乃九篇析其篇而數之故曰二十四篇也

又若璩鄭康成注書序於今安國傳所見存者  
原文仲虺之誥太甲三篇說命三篇微子之命蔡仲



之命周官君陳畢命君牙十三篇皆注曰亡於  
今安國傳所絕無者汨作九共九篇典寶肆命  
原命十三篇皆注曰逸不特此也又於安國傳  
所分出之舜典益稷二篇皆注曰逸於此二篇尤徵若據  
之憤憤其所云注是孔鄭之古文不獨篇名不  
逸者舉不是信也合者其文詞不可得而同即篇名適合其文詞  
豈得而盡同哉然則豫章晚出之書雖名為源  
流於鄭冲正未必為孔壁之舊物云

鳴盛原文閻氏若璩不知益稷當為棄稷不知罔命  
當為畢命並誤

**辨正**鄭康成所注書序又分別其亡逸篇目孔穎達  
深知其不可信故於虞書疏詳列而明辨之今即取  
鄭注以校鄭說即一家之言已多相矛盾宜穎達不  
之信也夫既以亡者為絕無逸者但不立於學而已  
如此分別嚴不可混矣而何以咸有一德篇鄭於禮  
記注明言今亡而此書序下乃列為逸何以同一鄭

注而兩經之內彼此互相抵牾也又如武成一篇康  
成明言建武之際亡義引之而此乃曰逸又何以同  
一鄭注而一經之中前後自相刺謬也又如畢命篇  
據此書序注不在十六逸之內明明以為亡矣而孔  
疏引鄭曰今其逸篇云云夫逸則非亡又何其矛盾  
耶王鳴盛附和若璩者乃獨於畢命之篇覺其扞格  
於是自作聰明逕移竄畢命於十六逸之內而刪去  
罔命以協其數坐使罔命一篇鄭序僅注為逸者鳴

盛強指為亡情恍惚離游移次據噫將使後之學者何從而稽考也哉

禮記緇衣篇引尹告惟尹躬及湯咸有一德鄭注曰尹告尹尹之誥也書序以為咸有一德今亡夫必曰書序以為則是除書序外無可據者益信鄭氏之不見古文也既據書序而斷曰今亡則於書序注下必不敢妄題為逸也然則書序之注逸未必為康成親筆蓋後人增竄者多矣至其曰建武之際亡建武所

成非今書之武成夫自建武至康成晚年二百有餘  
鄭於二者並未見夫自建武至康成晚年二百有餘  
載終東漢一代並無此武成之篇以康成注序豈有  
不實著其亡而謬擬為逸之理耶此又足證注逸者  
之非鄭筆矣若畢命序篇明言作冊畢公分居里成  
周郊史記注乃云今其逸篇有冊命霍侯之事不與  
此序相應稽之律歷志所引豐刑之語又不合壹似  
畢公分里之外別有兩畢命也者言豐刑者不及霍  
侯言霍侯者不及豐刑皆不可解也然鄭注尚書謂

以二百篇為據  
此篇之數  
與此篇之數  
何異  
何以得之

之逸篇與書序之注曰亡則儼然背馳矣謂鄭輩堅  
文亡於永嘉而於此書序則云唐  
世猶存皆自相矛盾不足置辨  
孔穎達曰孔君所傳值巫蠱不行以終前漢諸儒知  
孔本有五十八篇不見孔傳遂有張霸之徒按之徒  
包者於鄭注之外偽造二十四篇以足鄭注三十四  
篇為五十八篇其數雖與孔同其篇有異二十四篇  
者則鄭注書序舜典一汨作二九共九篇十一大禹  
謨十二益稷十三五子之歌十四允征十五湯誥十

六成有一德十六典寶十八伊訓十九肆命二十原  
命二十一武成二十二旅獒二十三問命任鳴盛武  
禪二十四也二十四即十六類達從二十四數之者  
祇期明辨於書序若據改從十六數之者喜其巧合  
於劉歆十六篇之說其實皆子虛烏有然類達實事  
求是不失為細心若據捉影捕風徒形其浮氣蓋讀  
書者至是多此葛藤矣

孔穎達偽造之云非憑虛臆斷者即如十六篇開首

明人美新之篇乎夫美新斷非子雲之作謂篇中有子雲身後事如王莽九廟作於地皇年間時子雲死已久矣其為嫁名無疑然班孟堅嘗評瑞之則其文可借證也文稱漢祖帝天下秦餘制度項氏爵號雖違古而猶襲之是以帝典缺而不補至大新受命發秘府覽書林神卦靈兆古文畢發制成大經紹少典之苗著黃虞之裔帝典缺者已補後又云宜命賢哲作帝典一篇舊三為一襲以示於

之舜典乃王莽時偽造證據確鑿人自不考耳不觀漢人美新之篇乎夫美新斷非子雲之作謂篇中有子雲身後事如王莽九廟作於地皇年間時子雲死已久矣其為嫁名無疑然班孟堅嘗評瑞之則其文可借證也文稱漢祖帝天下秦餘制度項氏爵號雖違古而猶襲之是以帝典缺而不補至大新受命發秘府覽書林神卦靈兆古文畢發制成大經紹少典之苗著黃虞之裔帝典缺者已補後又云宜命賢哲作帝典一篇舊三為一襲以示於



人摘之罔極蓋撰美新者祇知漢世有堯典一篇故鄙薄之以為不補旋見莽時有新補之舜典故頌揚之美其已補也又欲莽倣放堯舜亦自作一典與二典鼎立故曰三為一襲也然彼補舜典者雖不係張霸豈可謂非張霸之徒乎

或曰安國析出之舜典已上秘府彼新莽果欲補缺豈不知成篇現在而乃特煩撰作耶曰彼之特撰私意多矣蓋孔析之舜典無當於王莽之奸謀亦不合

於偽造者之意見一也且秘府有其成篇若顯出之  
即不得啗漢世之不補二也沿襲前人所已成之功  
不足以著莽勲德三也今考太平御覽引尚書逸篇  
曰堯子不肖舜使居丹淵為諸侯與劉歆三統曆所  
特載者正合書三統多引為證帝堯何事不可紀而獨載  
丹淵諸侯一事他日莽封孺子為安漢公蓋援例於  
此知作偽者專為莽地矣莽制廟祀必曰予之皇始  
祖考受嬪於唐其行酷刑必曰投四裔禦魑魅如皇

始祖考虞帝故事故劉歆用左氏明劉氏為堯後處  
者為劉氏句蓋今偽造者亦欲以舜典明王莽之為  
劉歆所增入舜後然則安國之成篇詎足供奸莽之采取哉  
或曰漢書儒林傳言莽時諸學皆立劉歆為國師璜  
惲皆貴顯夫王璜塗惲傳安國之尚書者也造舜典  
者雖私心為莽而璜惲之篇目顯然且在獨不慮參  
稽而敗露耶曰璜惲藉莽歆而貴顯則安國之書璜  
惲不敢為政矣於是削彼舊典造我新篇斯不致相

鄭氏書成後其  
書之亡也蓋以  
其書之亡也蓋  
以書之亡也蓋  
以書之亡也蓋  
以書之亡也蓋  
以書之亡也蓋  
以書之亡也蓋  
以書之亡也蓋

形而見絀蓋第今新室舜典存則孔氏舜典雖亡帝  
之卹矣既偽造勢必如此此班固藝文志所以於尚  
書古文經四十六卷之下自注曰為五十七篇而原  
數五十八篇所以缺一也顏師古引鄭氏叙贊云後  
叙贊不言所亡何篇蓋未見實證故不肯指名慎之  
至也至於武成則直云建武以後絕無之則宜急道其  
其書鑿鑿如彼而作光武以後尹敏獨去者不得謂後  
也但此等莽歆所作稱亡一者自與武成不相干涉  
亡一篇則知叙贊所稱亡一者自與武成不相干涉  
若據等因其語孟出康成遂張冠而李戴之亦太為  
鹵莽矣

或曰前漢書言

食貨志

莽性躁急不能無為每有所興

造必欲依古得經又

義

又云莽誦六藝以文奸言莽傳贊

是作偽者莽之素性若劉歆則博通好古觀其移太  
常一書令人讀而起敬比其人詎肯為張霸之所為  
乎曰劉歆果不作偽何以改名劉秀以竄冒赤伏之  
符公孫祿何以云國師嘉信公顛倒五經毀師法使  
學士疑惑請莽誅之以謝天下乎當其在哀帝朝讜  
論侃侃有公義而無私心千載後猶震其大名者祇

為此書也無如守道不堅自責讓博士後執政嫉讐  
羣儒訕謗遂乃懼誅求出蹭蹬郡守以病免官王莽  
持權特加拔擢由是歆大變節前後如出兩人其於  
王莽則功之首其於吾道則罪之魁也觀三統厯所  
引尚書自欺欺人猶竄名識諱之狡計若張霸者不  
足責而在劉歆則實堪痛恨云

或曰王莽傳言劉歆典文章當是時偽書多矣其羣  
臣上奏所引則有假王蒞政之嘉禾而劉歆所自引

又有伊訓武成畢命等篇茲據美新文又有舜典之  
篇其丹雘諸侯未揭篇名者且不必數知此外未露  
於書傳者不知凡幾殆當時欲補足有篇矣其書說  
則有君奭之說謂周公南面洛誥之說謂解復子明辟  
命專行康誥之說謂羣臣是也  
是也  
伊尹居攝而稱王越帝祀方明之說劉歆所自引以解伊訓非伏  
非孔非三家無非為奸莽文奸言者歆雖典文章豈  
能一人獨造耶曰漢書載莽為學者築舍萬區益博

士員徵天下逸禮古書等文字通知其意者皆諸公  
車至者前後千載而平帝紀亦載元始五年徵逸經  
古記及以五經教授者為駕一封詔傳遣諸京師至  
者數千人當是時諸學既皆立矣更有何逸經古記  
之可徵而此數十人者趨承莽者日作何事所謂張  
霸之徒非即此輩為之耶歆為此輩領袖即不動筆  
能解免於張霸之徒耶且張霸當成帝時敗露而平  
當周敞皆勸上存之後雖因樊並而被黜安知莽徵



古逸時此等書不死灰重燃觀班固儒林傳曰世所  
傳百兩篇云云夫班固稱為世所傳可知芥末東漢  
初此書猶有人傳誦矣不然王充作論衡何由而得  
引之耶王莽之嘉禾不在十六中而在百篇內若非  
張霸原書即係莽臣撰作以此見孔穎達張  
霸之徒云云  
未可非議也  
或曰王莽之書固多偽造矣今試計彼十六目之內  
豈無奸莽之所不必需而偽手之所不能辦者乃穎  
達概目為偽造豈一一具有其篇歟曰不必有其篇

也但今虛借其目以擬足十六逸之數即同於偽造  
矣蓋將無作有非偽而何曰何以言其無也曰汨作  
九共等篇若果從孔壁而出則馬遷既問故於安國  
當採入史記中矣將謂二紀事蹟已多不必採及古  
文乎則寥寥堯典舜典至旁羅孟子及左傳史克之  
餘論以足之不得謂已多矣何於汨作九共并不一  
及且夫九共九篇加汨作一篇凡十篇亦豈同淺鮮  
者乃讀堯舜紀於戰國春秋之說尚且兼採無遺而

此十篇之古經乃盡行擯棄而一語不收恐龍門無此情事又考汨作九共古序曰帝釐下土方設居方別生分類云云今細核龍門本紀之文無所謂釐下土也無所謂設居方也並無所謂別生分類也豈此十篇者太史公不得而見矣而後人反得而有之乎夫尚書獨載堯以來而太史公之紀堯舜乃深太息曰書缺有間矣有間云者正謂此汨作九共之篇冊曠然無可追尋假令此十篇者燦然具在則太史公

胡為而發此歎乎乃覺穎達以張霸致譏不為誣罔而若璩鳴盛輩請張為幻真所謂蔽冒未悛者矣或曰汨作九共之虛幻則易瞭然矣乃彼偽擬者又取夫舜典益稷之篇然今尚書已有也萬不能效莽臣之故智刪削今書則將與今篇並列歟乃欲並列之而現存者旁見側出赫然有徵虛擬者捉影捕風無徵不信詎但龍門紀中之彼無而此有也此亦一大破綻矣彼偽擬者奈何不知歟曰附和是說者若

璩鳴盛到此已自相齟齬矣鳴盛悍然不顧堅謂今  
舜典外別有一舜典今益稷外別有一益稷抵死弗  
移而若璩則稍露天良知彼此之大未妥也於是變  
動其說曰鄭氏於安國所分出之舜典益稷二篇皆  
注曰逸云云已若璩原語詳於前提醒分出字面意欲兩岐歸  
一則立說庶幾無病不知其病乃百出也試思安國  
所分出者慎徽五典以下帝曰來禹汝亦以下人人  
共讀此伏生早有之何以得目為博多耶且壁出以

前經師已教於齊魯廷臣已受之伏生何以鄭氏得  
注為逸耶且此二篇至今現在若璩何以云永嘉亡  
失之舜典一益稷五耶若璩左支右詘迄無一是如  
此此一篇不足信則他篇俱不足信矣而何以嘒嘒  
為哉